

## Ո Ր Ո Շ ՈՒ Մ N 0241

(մաքսային վճարների գանձման վերաբերյալ)

19 հոկտեմբերի 2015թ.

ք. Երևան

ՀՀ Ֆինանսների նախարարության Արարատյան տարածաշրջանային մաքսատան պետի տեղակալ Ա. Փալիկյանս, ուսումնասիրելով «Մակո» ՍՊ ընկերության (ՀՎՀՀ-00123798, ք. Երևան, Ն. Սուրենյան 4/17, գրանցման համար թիվ 264.110.767409) կողմից 2014թ-ի հոկտեմբերի 2-ին թիվ C 41783 ԲՄՀ-ով «Ներմուծում՝ ազատ շրջանառության համար» մաքսային ռեժիմով ձևակերպված նատրիումի բիկարբոնատի մաքսային ձևակերպման փաստաթղթերը,

### Պ Ա Ր Զ Ե Ց Ի

«Մակո» ՍՊ ընկերությունը 2014թ-ի հոկտեմբերի 2-ին թիվ C 41783 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրել է նատրիումի բիկարբոնատ, որի ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 02.10.2015թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 03.10.2014թ-ին ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը (թիվ L 35483): Հայտարարագրի ընդունման պահին գործող ՀՀ մաքսային օրենսգրքի 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 02.10.2014թ-ի թիվ C 41783 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրված նատրիումի բիկարբոնատի համար մինչև 02.10.2015թ. ենթակա է վճարման ավելացված արժեքի հարկ և տույժ՝ սահմանված ժամկետում ԱԱՀ-ի գումարը չվճարվելու համար:

«Մաքսային կարգավորման մասին» ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմիններին վճարվող **ավելացված արժեքի հարկը**, ակցիզային հարկը և մաքսավճարը: Նույն հոդվածի 4-րդ կետը սահմանում է, որ մաքսային մարմիններին վճարման ենթակա հարկերի և այլ վճարների հետ կապված հարաբերությունները կարգավորվում են Հայաստանի Հանրապետության օրենքներով: Իսկ «Ավելացված արժեքի հարկի մասին» ՀՀ օրենքի 6<sup>1</sup>-րդ հոդվածի 1-ին մասի 5-րդ պարբերության համաձայն՝ սույն հոդվածի նույն մասին համապատասխան հետաձգված ԱԱՀ-ի գումարները ենթակա են վճարման պետական բյուջե մինչև ժամկետը լրանալու օրը: Նույն հոդվածի 3-րդ կետը սահմանում է, որ սույն հոդվածի առաջին և երկրորդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային

մարմինը, իսկ ԵՏՄ անդամ պետություններից ներմուծվող ապրանքների մասով հարկային մարմինը: Հաշվարկված ԱԱՀ-ի գումարները և սահմանված ժամկետում չվճարված գումարների նկատմամբ հաշվարկված տույժերը վճարվում են որպես մաքսային մարմինների կողմից պետական բյուջե հավաքագրվող գումարներ, իսկ ԵՏՄ անդամ պետություններից ներմուծվող ապրանքների մասով՝ որպես հարկային մարմինների կողմից պետական բյուջե հավաքագրվող գումարներ: Իսկ «Մաքսային կարգավորման մասին» ՀՀ օրենքի 115-րդ հոդվածի 2-րդ կետի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար:

### Հաշվարկ՝

Հիմք ընդունելով ՀՀ ՖՆ Արարատյան տարածաշրջանային մաքսատան գանձումների համակարգման և հաշվառման բաժնի ավագ մաքսային տեսուչ Ռ. Սողոմոնյանի կողմից կազմված տեղեկանքով ներկայացված հաշվարկը՝ «Մակոո» ՍՊ ընկերության կողմից թիվ C 41783 մաքսային հայտարարագրով հայտարարագրված նատրիումի բիկարբոնատի համար 16.10.2015թ-ի դրությամբ ՀՀ պետական բյուջե ենթակա է վճարման **2748 657 ՀՀ դրամ**, որից **2692122 ՀՀ դրամ** ԱԱՀ և **56535 ՀՀ դրամ** տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:

Ելնելով վերոգրյալից և ղեկավարվելով «Ավելացված արժեքի հարկի մասին» ՀՀ օրենքի 6-րդ, 6<sup>1</sup>-րդ հոդվածներով, «Մաքսային կարգավորման մասին» ՀՀ օրենքի 115-րդ հոդվածի 2-րդ կետով և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

### Ո Ր Ո Շ Ե Ց Ի

1. «Մակոո» ՍՊ ընկերությունից հոգուտ պետբյուջեի գանձել **2748 657 ՀՀ դրամ**, որից **2692122 ՀՀ դրամ** ԱԱՀ և **56535 ՀՀ դրամ** տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:
2. Որոշման մասին օրենքով սահմանված կարգով տեղյակ պահել «Մակոո» ՍՊ ընկերությանը:

Որոշումն ուժի մեջ է մտնում այն ստանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Մաքսատան պետի տեղակալ

*A. S. S.*

Ա. Փալիկյան

